

Cutubka 5aad:74

Casharka 1aad: Geeduhu waa Nolosheenna..... 74

Casharka 2aad: Biyahu waa Nolosheenna..... 80

Casharka 3aad: Dhibaataada Qashinka..... 86

Casharka 4aad: Abeeso iyo Dabagaalle 91

Casharka 5aad: Ardaydii Dhulkeygoow (hees)..... 96

Cutubka 6aad:99

Casharka 1aad: Shinni iyo Duqsi..... 99

Casharka 2aad: Noloshu waa Qorshe. 110

Casharka 3aad: Jiheeye..... 115

Casharka 4aad: Daacadi ma Hungowdo..... 121

Casharka 5 aad: Warsame iyo Warmooge.126

Cutubka 7aad: 131

Casharka 1aad: Nebi Muxammed (NNKH)131

Casharka 2aad: Sayid Muxammed Cabdulle Xasan134

Casharka 3aad: Shabeel iyo Laba Saaxiib. 140

Casharka 4aad: Dawaco iyo Yaxaas.(sheeko)143

Cutubka 1aad: ○**Casharka 1aad: Naqtiin****Waxqabadka 1aad.**

Waxa aan akhrinayaa weerahaan hoos ku qoran. Waxa aan ku qorayaa weerahaan astaamaha hadalka sida: Joogsiga, Calaamadda su'aasha iyo Calaamadda la yaabka.

1. Geelle waa nin dheer
2. Goorma ayaad imaneysaa
3. Xasan waa wiil wanaagsan
4. Maanta iska joog.
5. Immisa wiil ayaa kula dhalatay
6. Sidee bay u dhacday arrintaasi
7. Wax yar i sug
8. Halkee ayaad u socotaa
9. Yaa kuu sheegay jawaabta
10. Faarax waa uu joogaa

Waxqabadka 2aad.

Waxa aan isla doonanaynaa liidanka erayadaan.

adag	buuran
kulul	nadiif
taajir	dheer
dhuuban	qabow
gaaban	jilicsan
qoyan	qallalan
wasakh	sabool

Waxqabadka 3aad.

Waxa aan dhammaystirayaa bilaha hijriyada ah

- | | |
|--------------------|-----------|
| 1. Muxarram | 7. _____ |
| 2. Safar | 8. _____ |
| 3. Rabiicul - awal | 9. _____ |
| 4. _____ | 10. _____ |
| 5. _____ | 11. _____ |
| 6. _____ | 12. _____ |

Waxqabadka 4aad.

- Waxa aanna qorayaa magacyada bilaha soomaaliga, aniga oo raacaya tusaalahan:

Tusaale:

- | | |
|------------|-----------|
| 1. Seko | 7. _____ |
| 2. Safar | 8. _____ |
| 3. Mowliid | 9. _____ |
| 4. _____ | 10. _____ |
| 5. _____ | 11. _____ |
| 6. _____ | 12. _____ |

- Waxa aan sheegayaa bilaha miilaadiga ah ee ku dhammaada 30 waxaa kale oo aan sheegayaa bilaha miilaadiga ah ee ku dhammaada 31.

- | | |
|----------|-----------|
| 1. _____ | 6. _____ |
| 2. _____ | 7. _____ |
| 3. _____ | 8. _____ |
| 4. _____ | 9. _____ |
| 5. _____ | 10. _____ |
| | 11. _____ |

Waxqabadka 5aad.

Waxa aan ku buuxinayaa meelaha bannaan xarafka "h", dabadeedna waan akhrinayaa.

- | | |
|--------------|----------------|
| 1. ____uuri | 6. ____ees |
| 2. ____oon | 7. ____arag |
| 3. ____abaar | 8. ____arimcad |
| 4. ____oos | 9. ____aruur |
| 5. ____abeen | 10. ____illaac |

Casharka 2aad: Naqtiin

Waxqabadka 1aad.

Waxa aan ka dhigayaa erayadaan keli, aniga oo raacaya tusaalahan:

<u>Wadar</u>	<u>Keli</u>
Tusaale:	
1. miisas	<u>miis</u>
2. kuraas	<u> </u>
3. libaaxyo	<u> </u>
4. doonyo	<u> </u>
5. bisado	<u> </u>
6. maalmo	<u> </u>
7. Fardo	<u> </u>
8. riyo	<u> </u>
9. dawacooyin	<u> </u>
10. beryo	<u> </u>

Waxqabadka 2aad.

Yeeris

Baruhu waxa uu noo yeerinayaa weeraha hoos ku qoran.

- Xasan waxa uu dhigtaa fasalka Afraad, qoyska Xasan waxa ay hanti ahaan u leeyihiin dukaan weyn, beri hore qoyska Xasan waxa ay ahaan jireen sabool.
- Xasan waxa uu salaadda u kacaa aroor hore, isagu waa wiil firfircoon.
- Waxa uu ku fiican yahay ballanta.
- Waxa uu og yahay in ballan darro ay tahay diin-darro.

Miro gunti ku jira miro geed saaran looma daadsho

Waxqabadka 3aad.

Waxa aan qorayaa jawaabaha weydiimaha soo socda, aniga oo raacaya tusaalahan.

1. Magacaa? maxamed
2. Xaggee ayaad ku nooshahay?
3. Yaad la nooshahay?
4. Maxaad barataa?
5. Yaa kugu caawiyo waxbarashada?

Waxqabadka 4aad.

Waxa aan u beddelayaa weerahan soo socda weydiimo, aniga oo raacaya tusaalahan.

Tusaale: Biyo la'aan waa nolol la'aan

Maxee tahay biyo la'aan?

b. Biyuhu waa laf-dhabarta nolosha. _____

t. Nolosheenna waxa ay ku tiirsan tahay biyaha. _____

j. Biyo faro badan waxa ay keeni karaan dhibaato, marka ay daad yihiin. _____

Casharka 3aad: Naqliin

Waxqabadka 1aad.

Waxa aan ku buuxinayaa meelaha bannaan magac guud ama magac gaar ah.

b. fasalkeennu waxa uu ka kooban yahay _____
iyo _____

t. _____ waa xayawaan xoog badan.

j. _____ waa gabar ku fiican waxbarashada.

x. _____ waxa ay ka mid tahay magaalooyinka
waaweyn ee dekedaha leh.

kh. _____ iyo qiiqiisa waa la' isla tuuraa.

Waxqabadka 2aad.

Waxa aan furayaa hal-xiraaleyaasha soo socda:

1. Ul qurux badan qaadan waa.
2. Saddex nin oo nin waalan sida.
3. Halmadow howd miratay.
4. Abtigay shansha gaab shir ka dhawaaq.
5. Mas barko maroodi kugu qooraarsey.

Waxqabadka 3aad.

Erayadan kelida ah ayaan wadar ka dhigayaa, aniga oo raacaya tusaalahan:

1. abeeso abeesooyin
2. maroodi _____
3. libaax _____
4. yaxaas _____
5. abaar _____
6. waddo _____
7. dubbe _____
8. beer _____
9. raad _____
10. jeeg _____

Casharka 4aad: Naqtiin

Waxqabadka 1aad.

Biyuhu waa laf-dhabarta nolosha.

Xoolaha, dadka iyo dhirtuba ma aysan jireen biyaha la'aantood, waxa aan sheegayaa ilaha biyaha, aniga oo raacaya tusaalaha:

Tusaale:

- 1) Ceelasha.
- 2) _____
- 3) _____
- 4) _____
- 5) _____
- 6) _____
- 7) _____

Waxqabadka 2aad.

Waxa aan magac u yaalladan ku buuxinayaa meelaha ay ku habboon yihiin:

(Iyagu, Idinku, Innagu, Adigu, Iyadu, Anigu)

1. _____ waa ay yimaadeen.
2. _____ waan imid.
3. _____ waa timaadeen.
4. _____ waa nimid.
5. _____ waa ay timid.

Waxa aan dhammaystirayaa weerahaan soo socda,
aniga oo raacaya tusaalahan:

- b. Tani waa feynuus. Kuwani waa feynuusyo.
t. Kani waa libaax. Kuwani waa _____.
j. Kuwani waa maroodiyaal. Kani waa _____.
x. Kuwani waa xafiisyo. Kani waa _____.

Waxqabadka 4aad.

Yeeris

Macallinkeeygu waxa uu ii yeerin doonaa weerahan
hoos ku qoran.

Waxa aan ka bartaa diinta masaaqid u dhow
xaafaddeyda, waxaa kitaabka Qur'aanka noo fasira
sheikh Cabdullahi, habeennada aan casharada
tafsiirka Qur'aanka aan barto waa Sabti, Axad, Isniin,
Talaado iyo Arbaco, waxa aan doonayaa in aan
noqdo qof ku xeel dheeraado barashada diinta
Islaamka haddii Allah (SW) uu ii ogolaado.

▲ Cutubka Zaad

▼ Casharka 1aad: Ha i soo marin

Waxa aan fiirinayaa sawirka inta aanan akhrin
sheekada, aniga oo sheegaya waxa aan ku arkay:



Beri baa wadaad ari yar meel baadiya ah ku haysta
ayaa nin u soo martiyey.

Wadaadkii ninkii si fiican buu u soo dhaweeyey,
gogol wanaagsan ayuu geed u dhigay.

Wadaadku martigelinta ninka waxa uu ugu tala galay hilib,
caano iyo bariis. Markii hore hilibkii ayuu u geeyay,
markii uu soo noqday buu arkay ninkii oo hilibkii
dhammeystay, misana caanihii buu hor dhigay,
markaas ayuu haddana gurigii ku noqday si uu
bariiskii u soo qaado, markii uu soo noqday waxa uu
arkay ninkii oo caanihii dhammeestay, bariiskii buu
hordhigay markaas ayuu bariiskii gebigiisiiba laba jeer
qaatay.

Wadaadkii ninka cir weynidliisii iyo dhakhsihii uu wax u cunaayey ayaa fajac iyo yaab gelisey, markaas ayuu ku yiri:

Wadaadkii: war xaggee ayaad ku socotaa? .

Ninkii: cisbitaalka magaalada

Wadaadkii: oo maxaa ka dooneysaa?

Ninkii: nin takhtar ah oo wanaagsan baa la iigu sheegay.

Wadaadkii: oo miyaad bugtaa?

Ninkii: haa

Wadaadkii: sidee lagu hayaa?

Ninkii: cuntada ayaanan si fiican u qaadan karin, waxa aan doonayaa in uu takhtarku uu i siiyo dawo cuntada ii furta.

Wadaadkii baa la yaabay, markaas ayuu ku yiri: "walaal waxa aan kaa codsanayaa in aanad i soo marin marka aad takhtarka ka soo noqotid ee ay cuntadu kuu furanto.

Waxqabadka 1aad.

Waxa aan laba labo u jilaynaa sheekada wadaadka iyo ninkii martida ahaa.

Waxqabadka 2aad.

Waxa aan koox-koox uga jawaabaynaa weydiimahan soo socda:

1. Wadaadku xaggee buu deggena?
2. Markii ugu horreysay maxaa uu wadaadku ninka u keenay?
3. Markii uu wadaadku caanaha keenay maxaa uu arkay?
4. Ninku xaggee buu ku socday? Maxaa uu ka doonayey?
5. Maxaa uu wadaadku ninka ka codsaday?

Waxqabadka 3aad.

Waxa aan buuxinayaa meelaha bannaan:

1. Wadaadku ninka waxa uu ugu talagalay _____, _____ iyo _____
2. Ugu horreyntii ninkii martida ahaa waxaa loo keenay _____
3. Wadaadkii ninkii ayuu caanahii _____ dhigay.
4. Markii uu wadaadkii soo noqday waxa uu arkay ninkii oo _____ dhammeeyay.

Waxqabadka 4aad.

Waxa aan akhrinayaa qoraalkan oo ay ku jirto "si", waxa aanna keenayaa shan weerood oo ay ku jirto "si".

Erayga "Si" laba macno ayuu leeyahay:

1. Waxa uu muujiyaa ujeeddada wax la qabtay oo looga dan leeyahay, sida: Maxamed suuqii buu tegay si uu u arko aabbihii. "si" waxa ay caddeysay ujeeddada uu Maxamed ka lahaa tegista suuqa, taas oo ah in uu arko aabbihii.

2. sidoo kale "si" waxa ay la macna tahay hab ama dariiqo wax loo qabto, sida: Baruhu si fiican buu wax noogu dhigaa. "si" hadda waxa ay wax ka sheegaysaa sida baruhu ardayda wax ugu dhigo.

1. _____ 2. _____ 3. _____ 4. _____ 5. _____

Layliyo

Layliga 1aad:

Waxa aan buuxinayaa meelaha bannaan:

1. Wadaadkii aqalkii buu ku noqday si
2. Cali eray ayuu ku celceliyey si
3. Inantu waxa ay dooneysaa in ay dadaasho si
4. Arrintu sidaa ma'ahee waa si
5. Berri magaalada ayaan tegayaa si

Layliga 2aad:

Erayadaan hoos ku qoran lidadkooda ayaan keenayaa aniga oo raacaya tusaalahan:

Tusaale: iftiin = mugdi:

horey, naceyb, weydiin, yar, caddaan, caafimaad, Seexo, kuleyl, xummaan, haa, cir.

Layliga 3aad:

Erayadaan hoos ku qoran kuwo la mid ah ayaan keenayaa, aniga oo raacaya tusaalahan:

Tusaale: miyi = baadiyo

bare, maryo, jid, hooy, jiif, cudur, kac, i sii, caddaalad, toos, arag, ka tag.

Layliga 4aad:

Erayada hoos ka xariiqan, kuwo la macno ah ayaan ku beddelayaa.

1. Yuusuf saaka wuu bukaa.
2. Markii uu caanihii dhammeystay buu seexday.
3. Saaka xaggee ayaad tegeysaa?
4. Walaalkey waxa uu iga codsaday in aan ka aamuso marka uu wax qorayo.
5. Ardaygu waa in uu barihiisa xushmeeyaa.

**Casharka 2aad: Haddii aad tashan weydo
waa laguu talin**



**Waxa aan akhrinayaa sheekadan, dabadeedna
waan ka sheekeynayaa:**

Beri ayaa Laba bisadood waxa ay ku noolaayeen meel
tuulo ah, waxa ay helaanna, waxa ay u qaybsan jireen
si isle'eg, waayo waxa ay ahaayeen saaxiibbo isjecel.

Habeen habeennada ka mid ah, ayey hilib weyn ka
soo qaateen kawaanka xoolaha lagu qalo, bisaduhu aad
ayey u gaajaysnaayeen, mid walibana waxa ay
dooneysay in ay tan kale khiyaaneyso, si keligeed
hilibka ay cunto.

Waxaa labadii bisadood ka dhex dhashay is-afgaranwaa
aad u xun, halkaasna waxaa ka bilawday dagaal ciddiyaha
la isula tegey, oo ay midiba tan kale dhaawac halis ah u
geysatey.

Haddaba markii ay hilibkii ku heshiin waayeen waxa
ay gartii u dhiibteen daanyeer, si uu caddaalad
ugu qeybiyo hilibka.

Maxaa uu sameeyey daanyeerkii?

Daanyeerkii waxa uu soo qaatay miisaan iyo mindi,
hilibkii ayuu saaray labadii kafadood, hadba kafadda
cuslaata hilibka saaran ayuu cad ka goostaa oo uu
cunaq, sidii uu hadba cad u goosanayey ayuu
hilibkii dhammaystay.

Waxa uuna ku yiri labadii bisadood: "waxa aan ku
dadaalaayey in aan midkiin sed bursan, si
aan caddaaladda u ilaaliyo".

Labadii bisadood waxa ay garwaaqsadeen in ay iyagu
khaladka lahaayeen, oo haddii ay heshiin lahaayeen aan
khasaaro soo gaarteen.

Waxqabadka 1aad

Waxa aan ka jawaabayaa weydilmahan soo socda:

1. Maxa ay labada bisadood isku maan dhaafeen?
2. Goorma ayey garteen bisaduhu in ay khaldan yihiin?
3. Maxaa uu daanyeerku sameeyey?
4. Immisa magac oo kale ayaad bisadda u taqaan?
5. Sidee ayaad u xallin lahayd khilaafka adiga iyo saaxiibkaa?
6. Maxaa aan sheekada ka baran karnaa?

Waxqabadka 2aad

Waxa aan qorayaa erayadan lidadkooda:

- | | |
|-------------|--------------|
| 1) faa'iido | 6) cir |
| 2) su'aal | 7) nolol |
| 3) habeen | 8) fulaynimo |
| 4) habaar | 9) mugdi |
| 5) horey | 10) xanuun |

Waxqabadka 3aad

Waxa aan erayadan ku buuxinayaa meelaha bannaan:

Faarax	canjeeladii	kabihii
Wax	beertii	Sabuurradda

1. Aamino _____bey baraneysaa.
2. _____geelii ayuu la jiraa maanta.
3. Sahro _____bey dubeysaa.
4. Geeddi _____buu soo abuuray.
5. Kuwani waa _____hooyadeey.
6. Macallinku _____ayuu wax ku qorayaa.

Waxqabadka 4aad

Eray waydiimeedyadaan waxa aan ku buuxinayaa meelaha ay ku habboon yihiin:

Ma	Maxaa ay	Yaa	Halkee	Immisa	kuma	kuwee
----	----------	-----	--------	--------	------	-------

1. _____bisadood ayaa is dagaalay?
2. _____isku dagaaleen?
3. _____u garnaqay bisadaha?
4. _____ku dirireen bisaduhu?
5. _____qaateen gefkoodii?
6. _____ah macallinkaaga?
7. _____helay buugtaydii?

Waxqabadka 5aad

Yeeris:

Macallinkeega ayaa ii yeerinaya weeraha soo socda:
Jeermisku waa noolaha cudurrada u keena dadka
iyo xoolaha, jeermisku waa noocyo badan yahay, nooc
waliba waxa uu keenaa cudur gaar ah, cudurrada uu
jeermisku keeno waa ay tiro badan yihiin, waxaa ka mid
ah: qaaxada, duumada, gooryaannada iwm.

Waxqabadka 6aad

Magac u yaaladan ayaan ku buuxinayaa meelaha ay
ku habboon yihiin:

Isagu Iyagu Inagu Adigu Idinku Aniga Iyadu

1. Daahir ayaa maanta dhoofay, _____ Afgooye
ayuu aadey.
2. Aamino riyihii ayey raacday, _____ galabta
ayey imaaneysaa.
3. _____, waxa ay u baxeen si ay wax ugu soo bartaan
dibadda.
4. _____ waxa aan ahay macallinkii Af-soomaaliga
dhigi lahaa.
5. _____ waxa aad tahay saaxiibkay aan jeclahay.
6. _____ berri ayaad ku qoran tihiin wax soo jeedinta.
7. Habeen dambe _____ masjidka aan isugu imaanno.

Waxqabadka 7aad

Farqurxin

Waxa aan far qurxoona ku qorayaa afar jeer weertan

Haddaad tashan weydo waa lagu talin

▼ Casharka 3aad: Deris wanaag

Sheekadaan ayaan akhrinayaa si aan uga jawaabo erayada la midabbeeyey ee ku jira qoraalka.



Abshiro waa hooyo naxariis badan oo deriska u roon, markii ay ka soo laabatay Xajka, waxa ay gacan u fidisay, dadkii ku noolaa xaafadda ay degan tahay, kuwaas oo ay u dhistay dugsi Qur'aan oo ay wax ku bartaan carruur badan.

Maalin maalmaha ka mid ah ayaa Xaajiyo Abshiro oo suuqa ka soo adeegatay, waxa ay aragtay aqal ay daaraddiisa haweeney ku uleyneyso wiil yar oo ay dhashay, isaguna uu markaas ku celcelinayo "hooyo macaaneey, hooyo Ruqiyooy". Xaajiyo Abshiro islaantii bay gacanta ka qabatay waxa ayna ku tiri: "Sheydaanka iska naar oo daa wiilka, maxaad u ciqaabeysaa inanka yar?" Ruqiya: walaal waa gabar iyo laba wiil oo waqtigeyga inta badan waxa uu ku lumay, kala celintooda iyo korintooda, waayo aabbahood waa uu geeriyooday. Xaajiyo Abshiro: miyaanay waxbarasho aadin ilmuhu? Hooyo Ruqiyo: maya, halkan ayey isaga cayaaraan.

Xaajiyo Abshiro: haddii aan dugsigan xaafadda ku yaalla geeyo bal kawaran?

Hooyo Ruqiyo: waxba kama qabo walaal, aadna waan ugu farxayaa".

Xaajiyo Abshiro ayaa ilmihii u sii kaxeysay dugsiga Macallin Cali oo meeshaa ka dhawaa.

Xaajiyo Abshiro: Assalaamu-Caleykum macallin Cali.

Macallin Cali: Wacaleykumu-salaam Xaajiyo Abshiro".

Xaajiyo Abshiro: Macallimow, ilmahani waa agoon, waxa ayna la nool yihiin hooyadood oo dan-yar ah, waana deriska, waxa aan kuugu keenay in aad wax bartid, anigana aan bixiyo fariisinka iyo ujrada.

Macallin Cali: waan kaa yeelay waana ku mahadsan tahay waxa aadna tahay deris wanaagsan".

Waxqabadka 1aad.

Waxa aan soo saarayaa erayada ka hadlaya falka tagey ee ku jira sheekada deris wanaaga, aniga oo raacaya tusaalahan:

- 1- Laabtay.....
- 2-.....
- 3-.....
- 4-.....
- 5-.....

Waxqabadka 2aad.

Farqurxin

Waxa aan far qurxoon saddex jeer ku qorayaa weertan.

Deris fiican deeq badan baa la dhaafsadaa.

Waxqabadka 3aad.

Hal-xiraale

Waxa aad sheegtaa bahal, marka uu soconayo lix lugood ku socda, marna laba lugood iyo madaxa ku socda, marna duula.

Waxa aannu koox-koox isugu xiraneynaa hal xiraalahan hoos ku qoran, jawaabtana waxa aannu ka heleynaa sawirka iyo qoraalka isku qasan ee ku jira goobada.



Shaandoor

Waxqabadka 4aad.

Waxa aan weero gelinayaa erayadan hoos ku qoran: dugsi, deris, xaafad, ilmo, macallin.

1. Waxa aan dhigtaa dugsi hoose/dhexe.
2.
3.
4.
5.

Waxqabadka 5aad.

Meelaha bannaan ayaan ku buuxinayaa erayadii aan ku soo bartay casharka, ka dibna buuggeyga ayaan ku qorayaa.

1. Maxaa aad u cigaabeysaa _____ yar?
2. Miyaanay _____ tegin ilmuhu?
3. Waxa aan kuugu _____ in aad _____ bartid.
4. waxa ayna la _____ hooyadood
5. Waxa aad tahay _____ wanaagsan.

Waxqabadka 6aad.

Waxa aan ka jawaabayaa weydiimaha hoos ku qoran:

1. Maxaa ay Xaajiyo Abshiro u qabatay dadkii ku noolaa xaafadda?


2. Waa maxay sababta ay Xaajiyo Abshiro ugu soo leexatay hooyo Ruqiyo?

3. Mee ilmaha Ruqiya aabbahood?

4. Immisa cunug ayaa loo geeyey macallin Cali?

Casharka 4aad: Wanaagga Waalidka

Waxa aan akhrinayaa sheekadan, ka dibna waxa aan ka jawaabayaa weydiimahan ka dambeeya



Beri baa waxa jiray nin oday ah oo sabool ah, ilmihiisana waxa uu u sheegi jiray waxa wanaagsan, caruurta aabbahood waxa ugu wanaagsan oo ay ka dhaxleen waxa ay ahayd daacad-nimada iyo ilaalinta amaannada.

Maalin maalmaha ka mid ah ayaa odaygii waxaa u soo martiyey nin, ninkii ayaa ku yiri, "Adeer safar dheer ayaan u baxayaa, waxa aan kaa codsanayaa in aad ii haysid amaannadan inta aan ka soo noqonaayo." odaygii waa uu ka aqbalay ninkii, in uu amaannada u hayo.

Ninkii mudda dheer ayuu maqnaa, odaygiina waa uu gaboobay, waxa uu is yiri haddii aad dhimatid amaannadu waa dayacmeysaa, waxa uuna dhigay amaannadii meel isaga iyo wiilkiisa weyn ay ogyihiin, mudda ka dibna odaygii waa uu geeriyooday amaannadiina waa uu ka dardaarmay

Berigii dambe ayuu yimid ninkii amaannada lahaa, waxa uuna dadkii wareystay odaygii, waxaana lagu yiri, "ninkaasi waa hore ayuu geeriyooday". Markii dambe waxa uu wareystay ilmihii uu odaygii geeriyooday dhalay, waxa uuna weydiiyey in ay jiraan amaanno uu aabbahood kala dardaarmay, waxa ay u sheegeen in wiilka wayn lagala dardaarmay amaannadiisii. Ninkii amaannada lahaa waxa uu la kulmay wiilkii curadka ahaa, si uu uga qaato amaannadii aabbihii ugu dhiibay, curadkii waxa uu isugu yeeray wiilashii kale oo ay wada dhasheen, waxa uuna u sheegay in aabbihii u dhiibay amaanno nin leeyahay oo waqti dheerna ay ka soo wareegatay, wiilashii oo wada jooga ayaa amaannadii ninkii lahaa faraha laga saaray, ninkii amaannada lahaa waxa uu aad ula yaabay daacadnimada odaygii iyo ilmihiisa, sida ay amaannada ugu adkaayeen, ugu dambeyntiina waa uu u mahad naqay, waxa uuna ninkii amaannadii oo dahab aheyd kala bar siiyay ilmihii odayga ka dhintay, waxa ayna noqdeen dad hantiilayaal ah, waxa ayna abaalkaas ku gaareen wanaaggii aabbahood ay ka dhaxleen, illeen wanaagga aabbuhu waa dhaxal keyd u ah ubadkiisa.

Waxqabadka 1aad.

weydilmahan ayaan ka jawaabayaa, ka dibna buuggeyga ayaan ku qorayaa.

1- Odaygii yuu u dhiibay amaannadii?

2- Maxay ahayd amaannadu?

3- Muxuu sameeyey ninkii markii la siiyey amaannadii?

Waxqabadka 2aad.

Waxa aan ku buuxinayaa meelaha bannaan erayada ku habboon.

1- Reerka odaygu waxa ay ahaayeen.....

2- Odaygu waxa uu caan ku ahaa.....

3-waxa uu u dhiibay alaab.....

4- Odaygii alaabtii.....

Waxqabadka 3aad.

Waxa aan wadar ka sameynayaa oo aan weero galinayaa erayadaan soo socda, aniga oo raacaya tusaalahan:

1- nin: Nimanku wax bay qorayaan.

2- oday:.....

3- adeer

4- wiil

Waxqabadka 4aad.

Waxa aan ka soo saarayaa sheekadan erayo tilmaamaya keli iyo wadar.

1-

2-

3-

4-

Waxqabadka 5aad.

Farqurxin

Waxa aan far qurxoon ku qorayaa maahmaahdan.

Nin rag ahi waa rajo ku nool

.....

.....

.....

.....

.....

.....

.....

.....

Flasharka 5aad: Toddoba Nin

Waxa aan dhegeysanayaa sheekadan, ka dibna waxa aan sheegayaa iyada oo kooban:



Toddobo nin ayaa maalin israadday, markii ay wax badan socdeen ayey istaageen, mid ka mid ah ayaa yiri: "bal inna tiriya ma dhannahay?"

Nimanka waxa ay ogaayeen in ay toddobo ahaayeen markii ay magaalada ka soo dhaqaaqeen, nin waliba mar ayuu tiriyeey, midkasta oo tiriyana waxa uu ka dhigaa lix, waxa ayna la yaabeen sida ay toddobo nin u noqon waayeen, waxa ay ogaadeen in uusan qofna maqnayn, laakiin qof waliba oo tiriyaa waxa uu ilaawayey naftiisa.

Iyaga oo la yaaban ninka maqan, ayaa nin oday ah u yimid, waxa ayna ka codsadeen in uu tiriyo.